

p. 83 line -5【三十二相】具名三十二大人相。此三十二相，不限於佛，總為大人之相也。具此相者在家為輪王，出家則開無上覺。是為天竺國人相說。智度論卷八十八曰：「隨此間閻浮提中天竺國人所好，則為現三十二相。…如是等皆勝於先所貴，故起恭敬心。」佛感此相者，由於百劫之間，一一之相，積百種之福，法界次第曰：「如來應化之體現此三十二相，以表法身眾德圓極，使見者受敬，有勝德可崇，人天中尊眾聖之王，故現三十二相也。」三藏法數四十八謂：一、足安平相，足裏無凹處者。二、千輻輪相，足下有輪形者。三、手指纖長相，手指細長者。四、手足柔軟相，手足之柔者。五、手足縵網相，手足指與指間有縵網之纖緯交互連絡如鵝鴨者。六、足跟滿足相，跟是足踵，踵圓滿無凹處者。七、足趺高好相，趺者足背也，足背高起而圓滿者。八、臍如鹿王相，臍為股肉，佛之股肉纖圓如鹿王者。九、手過膝相，手長過膝者。十、馬陰藏相，佛之男根密藏體內如馬陰也。十一、身縱廣相，頭足之高與張兩手之長相齊者。十二、毛孔生青色相，一一毛孔，生青色之一毛而不雜亂者。十三、身毛上靡相，身毛之頭右施向上偃伏者。十四、身金色相，身體之色如黃金也。十五、常光一丈相，身放光明四面各一丈者。十六、皮膚細滑相，皮膚軟滑者。十七、七處平滿相，七處為兩足下兩掌兩肩并頂中，此七處皆平滿無缺陷也。十八、兩腋滿相，腋下充滿者。十九、身如獅子相，身體平正威儀嚴肅如獅子王者。二十、身端直相，身形端正無偃曲者。二十一、肩圓滿相，兩肩圓滿而豐腴者。二十二、四十齒相，具足四十齒者。二十三、齒白齊密相，四十齒皆白淨而堅密者。二十四、四牙白淨相，四牙最白而大者。二十五、頰車如獅子相，兩頰隆滿如獅子之頰者。二十六、咽中津液得上味相，佛之咽喉中，常有津液，凡食物因之得上味也。二十七、廣長舌相，舌廣而長，柔軟細薄，展之則覆面而至於髮際者。二十八、梵音深遠相，梵者清淨之義，佛之音聲清淨而遠聞也。二十九、眼色如紺青相，眼睛之色如紺青者。三十、眼睫如牛王相，眼毛殊勝如牛王也。三十一、眉間白毫相，兩眉之間有白毫，右旋常放光也。三十二、頂成肉髻相，梵名烏瑟膩，譯作肉髻，頂上有肉，隆起為髻形者。亦名無見頂相。以

一切有情皆不能見故也。此三十二相依法界次第，法界次第依智度論八十八。其他智度論四，涅槃經二十八，中阿含三十二相經所載，皆大同小異。
～《佛學大辭典》

《佛說觀佛三昧海經》卷 1〈2 序觀地品〉：「自有眾生樂觀如來髭鬚。如蚪斗形。流出光明者。」(T15, p. 648, a10-11)《佛說觀佛三昧海經》卷 3〈3 觀相品〉：「云何觀如來髭？諸髭毛端開敷三光紫紺紅色。如是光明。直從口邊旋頸上照。圍遠圓光作三種畫。其畫分明。色中上者。一一畫間生一寶珠。其珠光明有百千色。珠下白華莖莖相跂。滿三匝已。然後彼光還入髭中。是名如來髭毛光相。佛滅度後作是觀者。除三十劫生死之罪。後身生處。身諸毛孔有自然光。心不樂著家居眷屬世間之樂。常樂出家修頭陀行。如是觀者名為正觀。若異觀者名為邪觀。」(T15, p. 657, a5-14)《法苑珠林》卷 10：「佛告梵王。我見過去諸佛皆自剃髮。一切凡聖無能見我頂者。我自剃髮已。鬚髮皆盡。唯有二髭。雖剃不落。剃已入河洗浴。時諸梵釋龍王等。競來爭取我髮。佛告大眾。可付梵釋魔龍等。各與少許鬚髮。復將鬚髮付淨飯王。…爾時梵王便昇有頂始剃我髮。後剃我兩髭。髭既落已。便放大光。下至閻浮。化成二寶塔。高至有頂。具眾莊嚴。我成佛來此塔最先。十方諸佛一時告我言。將此二髭塔付與梵王。令彼守護。使地神堅牢造小金剛塔。用盛剃刀及此金盆。」(T53, p. 362, c29-p. 363, a15)【髭】音卍。1.嘴唇上邊的鬍子。2.泛指鬍鬚。唐韓愈《寄崔二十六立之》詩：「連年收科第，若摘領底髭。」參見『髭鬚』。～《漢語大詞典》

p. 84 line 4【立相住心】《淨土十要》卷 10《西方合論》：「學道稍窺法空。聞人念佛即曰。法離名字。若徇假名轉益虛妄。文言尚空何況名號。答：法句經。汝觀諸佛名字。若是有。說食與人應充饑。若無。定光如來不授我記。如無授者。我不應得佛。當知名字其已久如。以我如故。備顯諸法名字性空。不在有無。華嚴經。諸法不分別自性。不分別音聲。而自性不捨。名字不滅。羣疑論。若言名字無用。不能詮法體。亦應喚水火來。故知筌蹄不空。魚兔斯得。稱斯弘名。生實淨土。何得言虛。天台智者曰。行人執其癡

空。不與修多羅合。言心是法身。應觸處平等。何故經像生敬。紙木生慢。答：我以凡夫位中觀如是相耳。為欲開顯此實相。恭敬經像令慧不縛。使無量人崇善去惡。令方便不縛。豈與汝同耶。上都儀曰。皈命三寶。要指方立相住心取境。不明無相離念。凡夫繫心尚不得。況離相耶。如無術通人居空造舍也。法華經。汝證一切智。十力等佛法。具三十二相。乃是真實滅。南泉大師曰。微妙淨法身。具相三十二。祇不許分劑心量。若無是心。一切行處乃至彈指合掌皆是正因。百丈和尚曰。行道禮拜慈悲喜捨。沙門本事宛依佛敕。祇不許執著。淨土指歸曰。圓頓行人語默動靜皆遵聖教。盡合佛心。(1)若以念佛生心動念成妄想者。息心無念。亦成妄想。楞嚴云。縱滅一切見聞覺知。內守幽閑。猶為法塵分別影事。(2)若以念佛著有為患者。執空之人。其患尤甚。永嘉云。豁達空。撥因果。漉漉蕩蕩招殃禍。(3)若以外求他佛為未達者。內執己心。不達尤甚。長沙云。學道之人不識真。只為從來認識神。無量劫來生死本。癡人喚作本來人。(3)若以別求淨土為偏見者。執目前為淨土。其失尤甚。楞嚴經。落魔道者都指現前為佛國。別無淨居及金色相好。言眼耳鼻舌為淨土。男女二根即菩提。弟子與師俱陷王難。迷惑無知墮無間獄。(4)若以執有修證為權說者。執無修證墮落外道。其禍尤甚。楞嚴曰。自謂已足則有大我慢。魔入其心腑。謂三祇劫一念能越。尚輕十方如來。何況聲聞緣覺。不禮塔廟摧毀經像。謂檀越言。此是金銅土木樹葉疊華。肉身真常不自恭敬。却崇土木實為顛倒。疑誤眾生入無間獄。是故當知執空破相皆是魔屬。智度論。田舍人不識鹽。見人以鹽著食。令諸味美。便鈔鹽滿食。鹹苦傷口。人言癡人。當籌多少。和之令美。云何純食。無智人聞空解脫門。斷諸善根。亦如是。思之思之。任爾一切空生死空。爭奈閻羅大王空不得。」(X61,p.772,c19-p.773,b18)

p.84 line -4【脛】音「ㄩ一ㄥˋ」從膝蓋到腳跟的部分。俗稱為小腿。～

《國語辭典》【躡】彳乂ㄋㄩˋ【集韻】豎兗切，音歛。足踵也。～《康熙字典》

p.84 line -3【上下通觀】《觀經定善義傳通記》卷第二：「佛身及華座等者。上明逆順。源出觀佛三昧海經。今準彼經。上從佛頂。下至寶地。名為

順觀。下從寶地。上至佛頂。名為逆觀。故云必須上下通觀。謂經文云。見一寶像坐彼華上。又云。於七寶地上作蓮華想。故約佛座地。必須上下通觀。」

p. 84 line -3【逆觀】《佛說觀佛三昧海經》卷1〈2 序觀地品〉：「未來世中諸弟子等應修三法。何等為三？一者誦修多羅甚深經典。二者淨持禁戒威儀無犯。三者繫念思惟心不散亂。云何名繫念。或有欲繫心觀於佛頂上者。或有欲繫心觀佛毛髮者……如是名樂順觀者。自有眾生樂逆觀者。從足下千輻輪相。從下觀至足指上。一一相、一一好、一一色。從下至上了了逆觀。是名逆觀法。」(T15,p.648,a1-c16)

p. 84 line -1【此一法成者】《觀經定善義傳通記》卷第二：「十三觀中等者。簡出要觀。勸人教修。所言等者。等取真佛。言一法者。指上四觀。四觀強異。佛觀一具。總名一法。餘觀自然了者。若成地華金像等觀。自餘樹池樓自然即了耳。」

p. 82 line -7【鳧】音ㄉㄨˊ。解釋：鳥綱雁形目。狀如鴨而略大。體長二尺許，嘴扁，腳短，趾間有蹼，翼長能飛翔，常群居於湖沼中。或稱為野鴨。
【鴈】音ㄩˋ。解釋：同「雁」。

p. 85 line 8【與修多羅合】智者《觀無量壽佛經疏》卷1：「令與修多羅合者。觀行之時。令與教法相應。故言合也。又解。與十二部經教合。入定是修多羅。出定之時。心與定合。故云與修多羅合也。」(T37,p.192,b21-24)知禮《觀無量壽佛經疏妙宗鈔》卷4：「疏有二釋。初須定與教合。二須散與定合。初義者。謂出定憶持定中聞法。須與經中所說符契。故云令與教法相應。次意者。謂心雖出定。對彼五塵須息愛憎。淨乎身口三業。若爾。雖不住定。亦聞法音。故云出定入定常聞妙法。言與十二部經教合者。以十二部總稱修多羅。同名為經。三藏分之。經詮定學。律詮戒學。論詮慧學。故名經為定。與修多羅合。是與定合。經若不合名妄想者。若定不合經。若散不合定。皆是發於魔事。全非像觀禪定。故名妄想。若已合。名麁想見極樂界者。謂以經驗定無差。出定與在定相似。得名麁想見彼國界。問：見此妙事那名麁想？」

答：以像望真。須分麁妙。此想乃是佛觀方便。豈可全同真佛觀耶。」

(T37,p.221,b15-29)

p. 85 line 9【得念佛三昧】《觀無量壽佛經疏妙宗鈔》卷4：「作是下。明修觀利益像想。若成。真觀可獲故。於現身得念佛三昧。」(T37,p.221,b29-c2)

元照《觀無量壽佛經義疏》卷3：「文有二：一除罪障。二近三昧。即下佛觀。像觀若成。真身必見。故云現身即得。」(T37,p.296,b21-22)

【念佛三昧】《佛說觀佛三昧海經》卷9〈9 觀像品〉：「念佛三昧者。見佛色身了了分明。亦見佛心一切境界。亦如上來觀佛心說。亦見佛身一切光明。亦如上觀佛身光說。亦見佛身一切毛孔。一一毛孔悉生八萬四千蓮華。一一華中復有八萬四千化佛。佛佛相次滿十方界。爾時釋迦牟尼佛即申右手摩行者頂。一切化佛亦申右手摩行者頂。得此觀者。名佛現前三昧。亦名念佛三昧。亦名觀佛色身三昧。爾時諸佛異口同音。各各皆為行者說法。雖未得道。見佛聞法總持不失。此名凡夫念佛三昧。得此三昧者。剎那剎那頃恒見諸佛。於念念頃聞佛說法。所謂大乘方等經典。一日一夜即得通利。父母生身惱濁惡世。以念佛故得聞總持。捨身他世必得見佛。於諸佛所得千萬億旋陀羅尼。」(T15,p.692,c11-26)

《大方廣佛華嚴經疏》卷56〈39 入法界品〉：「其念佛三昧總相則一。別即三身十身。修觀各別。且寄三身釋者。即總分為三。謂念法報化。為觀各別。於三身中各有依正。便成六觀。…而初法身二門為後六門之體。若體相無礙成第九門。若融前諸門為一致故。於一細處見佛無盡。如是重重成帝網之境。則入普賢念佛三昧之門。」(T35,p.923,c24-p.924, a10)

《楞嚴經文句》卷5：「念佛三昧。復有三種不同：一者惟念自佛。二者惟念他佛。三者自他俱念。……亦有四教不同。一一教中亦復各有念自、念他、自他俱念。三種差別。」(X13,p.309,b22-c21)

《楞嚴經圓通疏》卷5：「念自佛。攝得今經二十四門盡。亦攝得一大藏教。并正像末法禪教諸祖所立法門。頓漸偏圓大乘小乘。乃至禪宗教外別傳。直指人心見性成佛。一歸於念自本覺之佛而已。但念他佛。攝得藥師彌陀上生

等諸經。并蓮宗法門。惟以事想念佛及一切眾行盡。自他俱念。攝得十六觀經。如智者疏用微妙三觀念彌陀佛。并此圓通念佛三昧盡。又此三種念佛有分全不同。蓋本覺佛性具三如來藏。如二十五門。聲聞所修。但念空藏。分見空覺。餘諸菩薩或出假分別。分見不空覺。觀音普賢等上流菩薩。皆圓念三藏。全見三覺。若單念他佛。則惟約應身以為分全。即自他俱念。亦有分全不同。有單以空觀念應身佛者。有單以假觀念報身佛者。有單以中觀念法身佛者。有三觀一心中修、三身一境中念者。若以永明四料簡偈收之。則罄無不盡。初單念自佛。即有禪無淨土句攝。單念他佛。即無禪有淨土句攝。自他俱念。即有禪有淨土句攝。若自他俱不念。即無禪無淨土句攝。又此三種念佛不得意者。則偏圓異道。勝劣殊途。若得意者。門門皆為淨土之因。法法皆成實相之行。」(X12,p.827,c23-p.828,a19)

p. 86 line -3【真身】即諸佛之法身、報身之謂。大智度論卷三十(T25,p.278,a)：

「佛身有二種：一者真身，二者化身。眾生見佛真身，無願不滿。佛真身者，遍於虛空，光明遍照十方，說法音聲亦遍十方無量恆河沙等世界，滿中大眾皆共聽法，說法不息。一時之頃各隨所聞而得解悟。…如是法性身佛有所說法，除十住菩薩，三乘之人，皆不能持。惟有十住菩薩不可思議方便智力，悉能聽受。眾生其有見法身佛，無有三毒及眾煩惱，寒熱諸苦一切皆滅，無願不滿。」魏譯攝大乘論卷上(T31,p.97a)：「有三種佛身：一者真身，二者報身，三者應身。」其中，大智度論之真身（法性身）當作報身講，攝大乘論之真身則當作法身講。又善導之觀經疏卷三，以觀無量壽經所說之第九阿彌陀佛觀稱真身觀（報身、報佛、真佛）。～《佛光大辭典》

智者《觀無量壽佛經疏》：「第九觀佛真法身。」知禮《妙宗鈔》卷5：「真法身者。前觀寶像則似佛身。今對彼似故名為真。然此色相是實報身。應同居土。亦名尊特。亦名勝應。而特名法身者。為成行人圓妙觀也。」(T37,p.221,c9-12)